

North Korea.

This is really just an exercise in language manipulation, since virtually nothing rhymes with “Korea”. Remember to pronounce the pronoun “I” as “ah”, in native East Lothian style.

Tell me, did ye ever see a
Sadder place than North Korea?
Whae could ever wish tae be a
Citizen o North Korea?

Please yersel but as for me, I
Think that I wuid rather dee a
Dreadful death fae gonorrhoea
Than be stuck in North Korea.

Tell me ... etc.

When ye get an insight via
Newspapers or the T.V., a
Million mairchin numpties gie a
Gey grim glimpse o North Korea.

Tell me ... etc.

See their leader? Ye’ll agree a
Bletherin baw-faced bam is he. I
’m gey surprised they’re happy wi a
Chipmunk rulin North Korea.

Tell me ... etc.

Oot in Iraq, Sunni an Shia
Bomb an blitz while bullets flee. I
Doot, mind ye, if it can be a
Place as bad as North Korea!

Tell me ... etc.

I’m no the kin o chap tae be a-
cursed wi verbal diarrhoea,
Sae that’s enough the noo fae me a-
boot the woes o North Korea.

Tell me did ye ever see a
Sadder place than North Korea?
Whae could ever wish tae be a
Citizen o North Korea?